

## **Reglur um BA-nám við lagadeild Háskólans í Reykjavík (HR)**

### **1. gr. Prófgráður**

Lagadeild Háskólans í Reykjavík (lagadeild) veitir bakkalárpróf í lögfræði að loknu 180 ECTS eininga grunnnámi við deildina með fullnægjandi árangri. Þá veitir lagadeildin bakkalárpróf í lögfræði með viðskiptafræði sem aukagrein að loknu 120 ECTS eininga grunnnámi við deildina og 60 ECTS eininga grunnnámi við viðskiptafræðideild Háskólans í Reykjavík. Prófgaráðurnar staðfesta hæfni til að starfa á sviði lögfræði, til að gegna störfum þar sem krafist er háskólaprófs og til að hefja nám á meistarastigi í lögfræði eða öðrum greinum eftir atvikum.

### **2. gr. Inntökuskilyrði**

Umsækjandi um grunnám við lagadeild Háskólans í Reykjavík skal hafa lokið stúdentsprófi eða jafngildu prófi samanber 19. gr. laga nr. 63/2006 um háskóla. Í undantekningartilvikum er heimilt að innrita nemendur sem að mati inntökunefndar lagadeildar búa yfir jafngildum þroska og þekkingu og þeir nemendur sem lokið hafa stúdentsprófi eða jafngildu prófi.

Við val á umsækjanda er einkunn á stúdentsprófi eða jafngildu prófi höfð til hliðsjónar. Sérstaklega er litið til einkunna í íslensku, ensku, norrænu tungumáli og stærðfræði. Annars konar þekking og reynsla, svo sem úr atvinnulífinu, þátttaka í félagsstörfum, íþróttum, tónlistarnámi og öðru sem talið er að reynst geti umsækjanda vel í námi, getur einnig haft áhrif á mat á umsóknum. Umsækjendur skulu gera grein fyrir þeim atriðum sem þeir telja geta orðið umsókn sinni til framdráttar í sérstakri greinargerð sem er hluti umsóknar.

Umsækjandi sem hyggst stunda nám í lögfræði með viðskiptafræði sem aukagrein þarf auk framangreinds að uppfylla inntökuskilyrði í viðskiptadeild.

Umsækjandi getur óskað eftir viðtali við fulltrúa deildarinnar óski hann eftir að kynna sig, leita upplýsinga og leggja fram viðbótargögn.

Forseti lagadeildar ákveður, að höfðu samráði við rektor, fjölda þeirra nemenda sem fá inngöngu í grunnám.

Inntökunefnd lagadeildar tekur ákvörðun um hvaða nemendur fá inngöngu í deildina.

Grunnnám hefst að jafnaði að hausti. Forseti lagadeildar getur þó ákveðið, að höfðu samráði við rektor, að taka við umsóknum um nám í lagadeild á vorönn. Forseta deildar er heimilt að ákveða strangari skilyrði fyrir inntöku nemenda á vorönn.

### 3. gr. Inntak námsins og námsþættir

**Námskeið (kjarnagreinar og valgreinar) til bakkalárprófs í lögfræði eru eftirfarandi:**

Námsár/önn nr.	Námskeið	Fjöldi ECTS eininga
<b>1. ár</b> haustönn/1. önn	Aðferðafræði I- Réttarheimildir og lögskýringar.	8
	Fjármunaréttur I (Samningaréttur og inngangur að skaðabótarétti og almennum hluta kröfuréttar)	8
	Stjórnskipunarréttur	8
	Raunhæft verkefni	6 = 30
<b>1. ár</b> vorönn/2. önn	Félagaréttur	8
	Fjármunaréttur II (Kröfuréttur síðari hluti)	8
	Stjórnsýsluréttur	8
	Nýsköpun og stofnun fyrirtækja	6 = 30
<b>2. ár</b> haustönn/3. önn	Evrópuréttur	8
	Fjármunaréttur III (Bótaréttur)	8
	Réttarfar	8
	Fjölskyldu- og erfðaréttur	6 = 30
<b>2. ár</b> vorönn/4. önn	Fjármunaréttur IV (Eignaréttur)	8
	Refsiréttur	8
	Samkeppnisréttur	8
	Fjármunaréttur V – Raunhæft málflutningsverkefni	6 = 30
<b>3. ár</b> haustönn/5. önn	Skattaréttur	8
	Viðskipti með fjármálagerninga	8
	Þjóðaréttur	8
	Hugverkaréttur	6 = 30

<b>3. ár vorönn/6. önn</b>	Aðferðafræði II- lagakenningar	7.5
	Sakamálaréttarfar	7.5
		<b>Samtals kjarnagreinar 165 ECTS</b>
	BA-ritgerð og valgreinar. Nemendum gefst kostur á að velja tvær kjörgreinar eða málstofur úr meistaranámi við lagadeild. Einnig er nemendum heimilt að velja námsgreinar innan annarra deilda HR eða annarra háskóla, í stað ofangreindra valgreina.	Hver valgrein úr meistaranámi vegur að jafnaði 7.5 einingar. BA-ritgerð vegur 15 einingar.
		<b>Samtals kjarna- og valgreinar 180 ECTS</b>

BA-ritgerð getur komið í stað tveggja valgreina. Ritgerðin vegur 15 einingar. BA-ritgerð er sjálfstætt verkefni nemenda.

Lengd ritgerðarinnar skal vera á bilinu 12.500-15.000 orð. Forseti lagadeildar skipar prófdómara og skulu leiðbeinandi og prófdómari sameiginlega leggja mat á ritgerð nemanda. Séu leiðbeinendur fleiri en einn, leggja þeir sameiginlega mat á ritgerðina og er þá ekki þörf á prófdómara.

Um framangreint vísast nánar til leiðbeininga um BA ritgerðir og verklagsreglna lagadeildar um prófdómara.

BA-ritgerð skal skila á skrifstofu lagadeildar innan skilafrests. Nemanda er óheimilt að draga til baka ritgerð sem skilað hefur verið.

Nái nemandi ekki lágmarkseinkunn í BA-ritgerð getur hann valið milli þess að skrifa aðra 15 eininga ritgerð eða taka tvær valgreinar. Með annarri ritgerð er átt við að nemandi skrifi nýja ritgerð hjá öðrum leiðbeinanda. Nemandi getur óskað eftir sérstöku samþykki forseta lagadeildar fyrir ritgerðarefni sem gerir honum kleift að nýta fyrri vinnu við heimildaöflun. Í slíkum tilvikum þarf nemandi að gera sérstaklega grein fyrir nýrri/breyttri nálgun og/eða efnistöku. Við afgreiðslu slíkrar beiðni skal deildarforseti leita álits viðkomandi leiðbeinanda.

Skyldumæting er á námskeið um ritun ritgerða í upphafi annar og á kynningu á ritgerðarefni í byrjun apríl.

Nemandi sem stundar nám til bakkalárgráðu í lögfræði skal nemandi ljúka að lágmarki 165 einingum í lögfræðigreinum en nemanda er heimilt að ljúka allt að 15 einingum í öðrum greinum á háskólastigi, í stað valgreina á 3. námsári.

Námskeið til bakkalárprófs í lögfræði með viðskiptafræði sem aukagrein eru eftirfarandi:

Námsár/önn nr.	Námskeið	Fjöldi ECTS eininga
<b>1. ár</b> haustönn/1. önn	Aðferðafræði I- Réttarheimildir og lögskýringar.	8
	Fjármunaréttur I (Samningaréttur og inngangur að skaðabótarétti og almennum hluta kröfuréttar)	8
	Stjórnskipunarréttur	8
	Raunhæft verkefni	6 = 30
<b>1. ár</b> vorönn/2. önn	Félagaréttur	8
	Fjármunaréttur II (Kröfuréttur síðari hluti)	8
	Stjórnsýsluréttur	8
	Nýsköpun og stofnun fyrirtækja	6 = 30
<b>2. ár</b> haustönn/3. önn	Evrópuréttur	8
	Fjármunaréttur III (Bótaréttur)	8
	Réttarfar	8
	Fjölskyldu- og erfðaréttur	6 = 30
<b>2. ár</b> vorönn/4. önn	Fjármunaréttur IV (Eignaréttur)	8
	Refsiréttur	8
	Samkeppnisréttur	8
	Fjármunaréttur V – Raunhæft málflutningsverkefni	6 = 30
<b>3. ár</b> haustönn/5. Önn	Fjármál fyrirtækja	6
	Hagnýt stærðfræði	6
	Reikningshald	6
	Þjóðhagfræði	6
	Alþjóðaviðskipti	6 = 30
<b>3. ár</b> vorönn/6. önn	Aðferðafræði II - lagakenningar	6
	Hagnýt tölfræði I	6
	Rekstrarhagfræði I	6
	Stjórnun	6
	Stefnumótun	6 = 30
		<b>Samtals kjarna- og valgreinar 180 ECTS</b>

Námskeið eru í umsjón fastra kennara laga- og viðskiptadeilda eftir ákvörðun forseta deildanna. Þó er heimilt að fela stundakennurum umsjón námskeiða ef aðstæður krefjast þess.

#### 4. gr. Lærdómsviðmið

##### Bakkalárpróf í lögfræði

Við lok bakkalárprófs í lögfræði skal nemandi hafa til að bera þekkingu, leikni og hæfni í samræmi við lærdómsviðmið BA náms. Við útskrift búi nemandi þannig yfir a) lögfræðilegri þekkingu, b) geti beitt aðferðum og verklagi lögfræðinnar og c) hagnýtt þekkingu sína og leikni í starfi og/eða frekara námi.

Í því felst:

a) Þekking

Að nemandi:

Þekki og hafi almennan skilning á og innsæi í helstu kenningar og hugtök lögfræðinnar.

Þekki og skilji réttarheimildir og aðferðafræði lögfræðinnar.

Hafi yfirsýn yfir gildandi rétt á helstu sviðum lögfræðinnar.

Hafi ennfremur vitneskju um nýjustu þekkingu á völdu réttarsviði.

Þekki undirstöðuatriði leitar- og upplýsingatækni: Viti hvar og hvernig á að leita upplýsinga og hvenær upplýsinga er þörf.

Hafi skilning á samfélagslegu hlutverki lögfræðinnar og tengslum hennar við önnur fræðasvið.

Hafi þekkingu á siðferðilegum forsendum lögfræðinnar.

b) Leikni

Að nemandi:

Geti beitt aðferðum lögfræðinnar og fræðilegri þekkingu á viðfangsefni fræðigreinarinnar.

Geti greint lögfræðileg álitaefti og leyst úr þeim með rökstuddum hætti.

Geti metið áreiðanleika upplýsinga og aðferða og valið á milli þeirra.

Öðlist þjálfun í því að nýta nauðsynlegar upplýsingar við úrlausn lögfræðilegra viðfangsefna

Hafi tileinkað sér víðsýni og frumleika í hugsun og öguð og nákvæm vinnubrögð.

Geti beitt gagnrýnum fræðilegum vinnubrögðum og siðferðilegri dómgreind við úrlausn verkefna.

c) Hæfni

Að nemandi:

Hafi þekkingu og þjálfun til lögfræðistarfa og til þess að hefja ML nám.

Hafi tileinkað sér sjálfstæð og skipulögð vinnubrögð.

Geti sett sér markmið og fylgt verkáætlunum.

Geti tekið virkan þátt í samstarfi og leitt verkþópa.

Sé fær um að túlka og kynna lögfræðileg atriði og niðurstöður.  
Geti aflað sér þekkingar, haldið henni við og aukið við hana.

### **Bakkalárpróf í lögfræði með viðskiptafræði sem aukagrein**

Við lok bakkalárprófs í lögfræði með viðskiptafræði sem aukagrein skal nemandi hafa til að bera þekkingu, leikni og hæfni í samræmi við almenn lærdómsviðmið BA náms.

Við útskrift búi nemandi yfir a) lögfræðilegri þekkingu, b) getu til að beita aðferðum og verklagi lögfræðinnar c) hæfni til að hagnýta þekkingu sína og leikni í starfi og/eða frekara námi og d) skilningi á hlutverki nokkurra helstu undirstöðugreina innan viðskiptafræða, svo sem stærðfræði, tölfraði, reikningshaldi, hagfræði, stjórnun og markaðsfræði.

Í því felst:

a) Þekking:

Að nemandi:

Þekki og hafi almennan skilning á og innsæi í helstu kenningar og hugtök lögfræðinnar.

Þekki og skilji réttarheimildir og aðferðafræði lögfræðinnar.

Hafi yfirsýn yfir gildandi rétt á tilteknum sviðum lögfræðinnar og vitneskju um nýjustu þekkingu á þessum réttarsviðum.

Hafi skilning á samfélagslegu hlutverki lögfræðinnar, tengslum hennar við önnur fræðasvið og þekkingu á siðferðilegum forsendum lögfræðinnar.

Þekki hlutverk nokkurra helstu undirstöðugreina innan viðskiptafræða, svo sem stærðfræði, tölfraði, reikningshaldi, hagfræði, stjórnun og markaðsfræði.

Þekki nokkuð til þeirra aðferða sem beitt er við greiningu og úrvinnslu gagna í viðskiptafræði.

Þekkir í ákveðnum mæli þær vísindalegu nálganir og tæknilegu aðferðir sem notaðar eru í viðskiptafræði.

Þekki undirstöðuatriði leitar- og upplýsingatækni: Viti hvar og hvernig á að leita upplýsinga og hvenær upplýsinga er þörf.

b) Leikni:

Að nemandi:

Hafi tileinkað sér víðsýni og frumleika í hugsun og öguð og nákvæm vinnubrögð. Geti beitt gagnrýnum fræðilegum vinnubrögðum og siðferðilegri dómgreind við úrlausn verkefna.

Geti beitt aðferðum lögfræðinnar og fræðilegri þekkingu á viðfangsefni fræðigreinarinnar.

Geti greint lögfræðileg álitaefni og leyst úr þeim með rökstuddum hætti.

Geti túlkað og rökstutt ákvarðanir á faglegum grunni með vísun í grunnatriði viðskiptafræða.

Nýti sér viðurkennd gagnasöfn og upplýsingalindir á sviði viðskiptafræða og lögfræði og metið áreiðanleika upplýsinga og aðferða og valið á milli þeirra.

c) Hæfni:

Að nemandi:

Hafi tileinkað sér sjálfstæð og skipulögð vinnubrögð.

Geti sett sér markmið og fylgt verkáætlunum.

Geti tekið virkan þátt í samstarfi og leitt verkhópa.

Geti aflað sér þekkingar, haldið henni við og aukið við hana.

Hafi næga þekkingu og þjálfun til lögfræðistarfa og til þess að hefja ML nám og meistaranám á ákveðnum sviðum viðskiptafræða.

Sé fær um að túlka og kynna lögfræðileg atriði og niðurstöður.

Sé fær um að beita grunnatriðum fræðanna á kerfisbundinn hátt til að greina vandamál og finna skynsamlega lausn á ólíkum verkefnum

Geti skipulagt og stofnað eigin skipulagsheild, þróað viðskiptahugmyndir og byggt upp viðskiptaáætlun.

Geti dregið fram og greint stöðu efnahagsmála að ákveðnu marki.

Geti gagnrýnt og leyst viðfangsefni í rekstri og stjórnun skipulagsheilda að ákveðnu marki.

## 5. gr.

### Nám og kennsla

Eftirfarandi meginreglur gilda um nám og kennslu í BA námi við lagadeild:

- a) Skipulag námskeiða, kennslu og námsmats skal vera í samræmi við lærdómsviðmið prófgráða og námskeiða.
- b) Námið, kennslan og námsmatið er verkefnatengt.
- c) Áhersla er lögð á fjölbreyttar kennsluaðferðir og námsmat og vandaða endurgjöf til nemenda.
- d) Kennsla fer fram í almennum kennslustundum, umræðu- eða verkefnatímum og í formi verkefna eftir ákvörðun umsjónarkennara hverju sinni.
- e) Náms efni og kennsla miðar að því að nemendur öðlist traustan fræðilegan grunn og fái markvissa þjálfun í beitingu hans. Áhersla er lögð á gagnrýna hugsun og sjálfstæð vinnubrögð.
- f) Þjálfun í úrlausn lögfræðilegra álitaefna er grundvallaratriði í kennslufræðilegri nálgun lagadeildar. Nemendur eiga að fá þjálfun í að beita lögfræðilegri aðferðafræði í tengslum við kennslu í öllum námskeiðum sem eru lögfræðigreinar án þess að það sé endilega hluti námsmats.
- g) Umsjónarkennarar námskeiða ákveða námsmat. Námsmat skal endurspegla þær áherslur sem lagðar eru í kennslu í einstökum námskeiðum.
- h) Úrlausn raunhæfra verkefna er hluti af námsmati í öllum þeim kjarnagreinum sem teljast lögfræðigreinar.
- i) Miðannar- og lokapróf mega að hámarki gilda 70% af heildarnámsmati í námskeiðum í lögfræði.
- j) Um nám og kennslu í valfögum á þriðja ári bakkalárnáms í lögfræði fer samkvæmt reglum um meistaranám við lagadeild.

Framangreindum meginreglum til fyllingar vísast til viðmiða lagadeildar um kennsluhætti sem aðgengileg eru á heimasíðu [lagadeildar](#).

## **6. gr. Kennslu- og vinnustundir**

Að jafnaði standa 56 kennslustundir, verkefna- og umræðutímar að baki hverri 8 eininga kjarnagrein.

Að jafnaði standa 30-38 kennslustundir, verkefna- og umræðutímar að baki hverri 7,5 eininga valgrein á 6. önn.

Við það skal miðað að 25-30 vinnustundir (kennslustundir, verkefna- og umræðutímar, undirbúningur nema og verkefnavinna) standi að baki hverri einingu námskeiðs. Þannig standi t.d. 200-240 vinnustundir að baki 8 einingum. Efnistöð BA-ritgerða skulu vera með þeim hætti að ljóst sé að ekki liggi færri en 375-450 vinnustundir að baki ritgerðinni.

## **7. gr. Námsráð**

Hlutverk námsráðs er að vinna með forseta deildar að þróun BA- og ML náms, þar á meðal skipulagi þess og gæðum, tilhögun kennslu, kennsluhátta og námsmats samkvæmt stjórnskipulagi lagadeildar.

## **8. gr. Námsmat og einkunnagjöf**

Um námsmat og einkunnagjöf í BA námi fer samkvæmt reglum HR um próf og einkunnir. Lágmarkseinkunn í kjarnagreinum, valgreinum og BA ritgerð er því 5,0. Lágmarkseinkunn í aðferðarfræði (námskeið L-101) er þó 6. Í greinum þar sem lokapróf, hvort sem það er munnlegt eða skriflegt, er hluti námsmats skulu aðrir námsþættir því aðeins metnir inn í lokaeinkunn, að nemandi hafi hlotið tilgreinda lágmarkseinkunn á lokaprófi enda vegi lokaprófið a.m.k. 20% af lokaeinkunn námskeiðsins. Nái nemandi ekki tilgreindri lágmarkseinkunn á lokaprófi getur hann ekki nýtt sér einkunnir sem hann hefur fengið fyrir aðra námsþætti, þótt hann endurtaki námskeiðið síðar.

## **9. gr. Námsframvinda**

Nemandi skal ljúka 30 einingum á önn eða 60 einingum á ári, miðað við eðlilega námsframvindu. Nemandi er heimilt að innritast á annað námsár, hafi hann lokið a.m.k. 48 einingum af námsefni fyrsta árs í lögfræði, með meðaleinkunn 6 eða hærri.

Til að hefja nám á þriðja ári námslínu þarf nemandi að hafa lokið a.m.k. 90 einingum, öllum námskeiðum fyrsta árs og a.m.k. 30 einingum á öðru námsári, með meðaleinkunn 6 eða hærri.<sup>1</sup>

---

<sup>1</sup> Ákvæðið tók gildi 9. apríl 2014 og gildir aðeins um þá sem nýskráðir voru í nám á haustönn 2014 og síðar.



Nemandi skal hafa lokið a.m.k. 90 einingum í síðasta lagi tveimur árum eftir síðustu innritun á fyrsta námsár. Námskeið sem nemandi tekur úr aukagrein teljast ekki hluti af þessum 90 einingum nema nemandinn hafi uppfyllt skilyrði um 48 einingar að loknu fyrsta námsári. Nemandi skal hafa lokið bakkalárprófi í síðasta lagi fimm árum eftir síðustu innritun á fyrsta námsár.

Námsráð getur veitt undanþágu frá almennum námsframvindureglum á grundvelli sérstakrar námsáætlunar búi nemandi við verulega skerta starfsgetu. Sérstök námsáætlun verður aðeins samþykkt ef gildar læknisfræðilegar ástæður og veigamikil rök eru fyrir hendi. Umsókn skal fylgja námsáætlun nemanda sem námsráð þarf að samþykkja og getur bundið sérstökum skilyrðum, m.a. um tilhögun náms og námsframvindu. Námsráð getur farið fram á að nemandi leggi fram sérfræðivottorð læknis eða önnur gögn sem þörf er á svo leggja megi mat á umsóknina. Umsókn þarf að berast lagadeild a.m.k. 8 vikum fyrir upphaf annar og undanþágan gildir aðeins frá þeim tíma sem hún er samþykkt.

#### **10. gr. Hámarksfjöldi eininga á önn**

Eftir því sem við getur átt má heimila nemanda að skrá sig í eitt námskeið á önn umfram 30 einingar. Slík skráning skal fara fram í samráði við skrifstofu lagadeildar.

#### **11. gr. Endurinnritun**

Uppfylli nemandi ekki framangreind lágmarksskilyrði um námsframvindu, fellur réttur til frekara náms við deildina niður. Nemandi getur þó sótt um endurinnritun í deildina. Þar sem heimild til endurinnritunar felur í sér undantekningu frá lágmarksskilyrðum um námsframvindu eru þau skilyrði sett að námsferill nemanda beri með sér ótvíræða námsgetu eða ótvíræðar framfarir í námi og að meðaleinkunn sé 6 eða hærrí. Sé slík heimild veitt, heldur nemandi sem þess óskar þeim námskeiðum sem lokið hefur verið með einkunn 6 eða hærrí. Heimild til endurinnritunar verður aðeins veitt einu sinni á námstímanum.

#### **12. gr. Endurtekning prófa**

Nemendum er heimilt að sitja hvert námskeið tvisvar sinnum og þreyta þau próf sem í boði eru í bæði skiptin. Að sitja námskeið þýðir að nemandi hefur verið skráður í námskeið eftir að frestur um úrsögn er liðinn. Nemanda, sem uppfyllir ekki framangreindar kröfur og óskar eftir að halda áfram námi við deildina, ber að sækja um endurinnritun. Um forsendur og afleiðingar endurinnritunar fer skv. 11. gr. eftir því sem við á.

### **13. gr. Námshlé**

Nemandi getur sótt um til námráðs að gera hlé á námi sínu. Beiðnin skal studd fullnægjandi gögnum er sýni að gildar ástæður séu fyrir beiðninni. Meðal ástæðna sem réttlætt geta námshlé eru barneignir og veikindi. Leyfi til námshlés má veita með skilyrðum. Hámarkslengd námshlés er 1 ár. Hámarksnámsstími skv. reglum þessum framlengist sem námsleyfi nemur.

### **14. gr. Undanþágur**

Hafi námsráð komist að þeirri niðurstöðu að undanþágur frá reglum um framvindu náms og námshlé samkvæmt 11. og 13. gr. reglna þessara eigi ekki við getur deildarfundur lagadeildar, ef ríkar ástæður eru til, veitt frekari undanþágur frá þeim reglum. Slík heimild verður aðeins veitt í algjörum undantekningartilvikum.

### **15. gr. Mat á fyrra námi**

Nemandi sem óskar eftir að ljúka BA prófi frá lagadeild og óskar mats á fyrra námi þarf almennt að sækja um slíkt mat til námsráðs lagadeildar fyrir 15. júní vegna haustannar og 15. september vegna vorannar.

Um mat á fyrra námi fer skv. neðangreindu:

- a) Umsókn skal skilað á þar til gert eyðublað sem finna má á heimasíðu lagadeildar. Umsóknin skal vera skrifleg og studd fullnægjandi gögnum um það nám sem óskast metið þ.e. nákvæmri námslýsingu og staðfestu prófskírteini eða staðfestu afriti af einkunnum frá kennsluviði viðkomandi skóla.
- b) Eingöngu nám á háskólastigi kemur til álitá í þessum efnunum.
- c) Námskeið sem nemandi hefur lokið meira en 9 árum áður en hann innritast til náms í lagadeild eru ekki metin til eininga. Einungis eru metin námskeið sem nemandi hefur lokið með einkunn 6 eða hærrí hvort sem um er að ræða námskeið sem tekin hafa verið innan lagadeildar HR, öðrum deildum HR eða frá öðrum háskólum.
- d) Heimilt er að meta fyrra nám til allt að 90 eininga ef um er að ræða samfelld nám sem námsráð metur sambærilegt við BA nám í lagadeild. Sé nám það sem óskað er eftir að verði metið ekki sambærilegt við BA nám í lagadeild má meta fyrra nám til allt að 15 eininga.
- e) Nemandi sem óskar mats á námskeiðum úr loknum námsgráðum á sviði lögfræði skal uppfylla skilyrði a) - c) liða hér að framan. Þá skal hann jafnframt uppfylla eftirfarandi skilyrði:
  - i. Einkunn skal vera 6 eða hærrí í öllum námskeiðum sem metin eru.
  - ii. Nemandi skal ljúka að lágmarki 90 einingum í lögfræði við lagadeild HR.
  - iii. Nemandi skal verja að lágmarki 50% af námstíma sínum við HR.

- f) Nemandi sem óskar mats á fyrri námskeiðum úr loknum námsgráðum á öðrum sviðum en lögfræði skal uppfylla skilyrði a) - c) liða hér að framan. Í slíkum tilvikum getur nemandi að hámarki fengið metin námskeið sem svara til 15 eininga í stað valgreina á 6. önn og að auki námskeið sem teljast sambærileg þeim skyldugreinum í BA námi sem ekki teljast til lögfræðigreina. Ef nemandi hefur lokið BSc gráðu í viðskiptafræði og hyggst ljúka BA námi í lögfræði með viðskiptafræði sem aukagrein má þó meta þau námskeið í viðskiptafræði sem eru sambærileg þeim sem eru hluti af BA gráðu í lögfræði með viðskiptafræði sem aukagrein, allt að 60 ECTS.
- g) Nemandi sem lokið hefur BSc gráðu í viðskiptafræði með lögfræði sem aukagrein frá Háskólanum í Reykjavík getur fengið metnar 120 ECTS einingar úr því námi upp í BA gráðu í lögfræði með viðskiptafræði sem aukagrein. Vegna þess að um sömu námskeið er að ræða og í BA námi í lögfræði með viðskiptafræði sem aukagrein má meta námskeið sem lokið er, óháð því hvort nemandi hefur náð einkunn 6.

Gögn sem þurfa að fylgja með umsókn um mat á fyrra námi:

- a) Umsóknin sjálf (prentuð út af netinu).
- b) Staðfest afrit af einkunnum frá viðkomandi háskóla.
- c) Námskeiðslýsingar frá viðkomandi háskóla (frá því ári sem námskeiðin voru tekin).

## **16. gr. Náms – og prófareglur**

Lagadeild Háskólans í Reykjavíkur hefur gefið út reglur um prófgögn í lagadeild þar sem fram koma upplýsingar um hvaða gögn má hafa meðferðis í próf.

Meginreglan er sú að kennari námskeiðs ákveður hvort og hvaða gögn nemendum er heimilt að hafa með sér í próf. Reglurnar í heild sinni má sjá [á heimasíðu lagadeildar](#).

Vísað er til náms- og námsmatsreglna HR varðandi önnur atriði en þær er að finna á [heimasíðu HR](#).

## **17. gr. Heimildaskráningastaðallinn OSCOLA**

Allar heimildaritgerðir og sambærileg verkefni s.s. álitsgerðir og svör við raunhæfum verkefnum skulu styðjast við heimildaskráningarstaðalinn „Oxford Standard for the Citation of Legal Authorities“ (OSCOLA). Gefnar hafa verið út reglur um íslenska aðlögun staðalsins en öll gögn varðandi staðalinn er að finna á [heimasíðu bókasafns og upplýsingaþjónustu HR](#).

## **18. gr. Sumarnám**

Lagadeild er heimilt að bjóða upp á sumarnám, á eigin vegum eða í samstarfi við aðra, sem geti skilað nemendum einingum til grunnnáms samkvæmt nánari ákvörðun forseta lagadeildar. Heimilt er að innheimta sérstök gjöld vegna náms samkvæmt þessari málsgrein.

## **19. gr. Skólagjöld**

Háskólaráð ákveður skólagjöld í grunnnámi.

## **20. gr. Ákvarðanir og kæruleiðir**

Að öðru leyti en því sem tekið er fram í reglum þessum fer forseti lagadeildar með endanlegt ákvörðunarvald um framkvæmd grunnnáms við lagadeild.

Samkvæmt stjórnskipulagi lagadeildar og reglum þessum tekur inntökunefnd ákvarðanir um inntöku í BA nám, sbr. 2. gr. reglnanna. Námsráð tekur ákvarðanir um mat á fyrra námi, sbr. 15. gr. reglna þessara. og ákvarðanir í sambandi við framvindu náms einstakra nemenda samkvæmt 11. og 13. gr. reglnanna.

Ákvarðanir námsráðs eru kærnanlegar til forseta deildar sem fer með endanlegt ákvörðunarvald.

Þar sem í reglum þessum er kveðið á um að lagadeild fari með ákvörðunarvald er átt við deildarfund.

Nemandi, sem hefur tæmt kæruleiðir innan skólans, getur sent mál sitt til áfrýjunarnefndar í kærumálum háskólanema, skv. 20. gr. laga nr. 63/2006 um háskóla. Hlutverk áfrýjunarnefndarinnar skv. reglum nr. 1152/2006 að úrskurða í málum þar sem námsmenn í háskólum sem hlotið hafa staðfestingu menntamálaráðherra, telja brotið á rétti sínum varðandi: a) Framkvæmd prófa og námsmat, þ.m.t. fyrirloðun prófa, tilhögun einkunnagjafar, skipun prófdómara og birtingu einkunna. b) Mat á námsframvindu, þ.m.t. rétt til endurtektarprófs. c) Afgreiðslu umsókna um skólavist, þ.m.t. tilhögun mats á námi á milli skóla. d) Brottvikningu nemanda úr skóla og beitingu annarra agaviðurlaga. Áfrýjunarnefndin tekur ekki til umfjöllunar mál sem snerta faglegt mat kennara (t.d. próf).

**21. gr.**  
**Reglur Háskólans í Reykjavík**

Að öðru leyti en því sem fram kemur í reglum þessum gilda almennar reglur Háskólans í Reykjavík, þ.m.t. siðareglur HR, um grunnnám í lagadeild og eftir atvikum aðrar reglur lagadeildar.

Þannig samþykkt á deildarfundi lagadeildar 13. janúar 2012.

Breyting á deildarfundi lagadeildar 6.12.2012

Breyting á deildarfundi lagadeildar 18.6.2013

Breyting á deildarfundi lagadeildar 19.3.2014

Breyting á deildarfundi lagadeildar 9.4.2014

Breyting á deildarfundi lagadeildar 16.12.2014